



- SENAT -

Broj: 01-612/17

Sarajevo, 02. 02. 2017. godine

Z A P I S N I K
SA 2. VANREDNE SJEDNICE SENATA
ODRŽANE 02. 02. 2017. GODINE

Prisutni članovi Senata: prof. dr. Izet Rađo, predsjedavajući, prof. dr. Aida Hodžić, prof. dr. Aleksandra Nikolić, prof. dr. Maida Čohodar-Husić i prof. dr. Željko Šain, prorektori, prof. Marina Finci, prof. dr. Mersad Čuljević, prof. mr. Mevludin Zečević, prof. dr. Vedad Silajdžić (po ovlaštenju), prof. dr. Abdulah Akšamović (po ovlaštenju), prof. dr. Nedžad Korajlić, prof. dr. Šaćir Filandra, prof. dr. Nusret Smajlović (po ovlaštenju), prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Admir Mulahusić (po ovlaštenju), prof. dr. Darko Tomašević, prof. dr. Izet Bijelonja, prof. dr. Mirsad Dorić (po ovlaštenju), prof. dr. Senad Kazić, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Amra Vuković (po ovlaštenju), prof. dr. Mirza Dautbašić, prof. dr. Rizah Avdić (po ovlaštenju), prof. dr. Nezir Krčalo, prof. dr. Naris Pojskić, dr. sc. Rasim Muratović, dr. sc. Senija Milišić, dr. sc. Adnan Kadrić, dr. sc. Alen Kalajdžija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, Mirza Ibrahimović, student drugog ciklusa studija Fakulteta sporta i tjelesnog odgoja, Lamija Hasković, student prvog ciklusa studija Muzičke akademije, i Lejla Lasić, student trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: dr. sc. Suvad Konaković, generalni sekretar Univerziteta u Sarajevu, i gosp. Kenan Filipović, rukovodilac Službe za pravne poslove Univerziteta u Sarajevu.

Odsutni članovi Senata: prof. dr. Rifat Škrijelj, rektor, prof. Zijad Mehić, prorektor za umjetnost, kulturu i sport, Bekir Rovčanin, student-prorektor, prof. dr. Zuhdija Hasanović, Nadira Alimanović, student prvog ciklusa studija Elektrotehničkog fakulteta, i Bakir Ganić, student prvog ciklusa studija Šumarskog fakulteta.

Sjednica je počela sa radom u 13:00 sati.

Predsjedavao je, po ovlaštenju rektora, prof. dr. Izet Rađo, prorektor za naučnoistraživački/umjetničkoistraživački rad Univerziteta u Sarajevu.

Jednoglasno je usvojen sljedeći

DNEVNI RED

1. Utvrđivanje amandmana na tekst Nacrta Zakona o visokom obrazovanju Kantona Sarajevo

Uvodničar: prof. dr. Hajrija Sijerčić-Čolić, senatorica, predstavnica Pravnog fakulteta Univerziteta u Sarajevu

TOK SJEDNICE

Ad-1.

Uvodno izlaganje je imala prof. dr. Hajrija Sijerčić-Čolić, senatorica, predstavnica Pravnog fakulteta Univerziteta u Sarajevu, i tom prilikom istakla da dostavljeni materijali ukazuju na brojne aktivnosti koje su se odvijale na organizacionim jedinicama Univerziteta u Sarajevu kao i u Rektoratu kroz održanu javnu raspravu 30. 01. 2017. godine, te u okviru stručnih službi. Rezultat toga je dokument pod naslovom „Prijedlozi amandmana na Nacrt Zakona o visokom obrazovanju Kantona Sarajevo“ i dokument koji obuhvata opće i pojedinačne primjedbe i prijedloge na Nacrt Zakona. Oba dokumenta potvrđuju da su se odredbe Nacrta Zakona u toku javne rasprave višestruko analizirale: sadržajno, nomotehnički, stilsko-jezički i gramatički, tehnički, humanistički te u kontekstu uvjeta i prilika u kojima živimo i radimo.

Također, prof. dr. Hajrija Sijerčić-Čolić je istakla da se može uočiti da su neke organizacione jedinice uz konkretne prijedloge i amandmane dostavile još i opća zapažanja koja se odnose na spomenuti nacrt. Riječ je o: načelima akademske autonomije i akademskih sloboda; nazivu i strukturi zakona (prijedlog o podjeli zakonskog teksta na dva dijela o visokom obrazovanju i Univerzitetu u Sarajevu, te prijedlog o dva odvojena zakonska teksta o spomenutim pitanjima); neusaglašenosti propisa Nacrta s odgovarajućim pravnim izvorima, ne samo unutrašnjeg već i međunarodnog karaktera; zaštiti osnovnih prava i sloboda čovjeka; prenormiranosti; nastojanjima da se i dalje razviju neravnopravne pozicije visokoškolskih ustanova u Kantonu Sarajevo u smislu da se uvodi „pravni paralelizam normiranja i uvođenja duplih standarda u visoko obrazovanje“. Neka od općih zapažanja odnose se i na finansiranje, odnosno sufinansiranje Univerziteta u Sarajevu od osnivača.

Zatim je prof. dr. Izet Rađo, predsjedavajući Senata, otvorio diskusiju o ponuđenim amandmanima u kojoj su učešće uzeli: prof. dr. Naris Pojskić, dr. sc. Senija Milišić, gosp. Kenan Filipović, prof. dr. Salih Fočo, prof. dr. Šaćir Filandra, gosp. Haris Zahiragić, prof. dr. Nedžad Korajlić, prof. dr. Rizah Avdić, prof. dr. Vedad Silajdžić, prof. dr. Izet Bijelonja, prof. dr. Senad Kazić i prof. dr. Abdulah Akšamović.

U skladu sa prijedlozima i sugestijama istaknutim u diskusiji, jednoglasno je donesen sljedeći

ZAKLJUČAK

1. Senat izražava zahvalnost Komisiji za izradu teksta Nacrta Zakona o visokom obrazovanju Kantona Sarajevo na pripremljenom Nacrtu.
2. Usvajaju se amandmani na tekst Nacrta Zakona o visokom obrazovanju Kantona Sarajevo, a koji su rezultat prijedloga sa javne rasprave održane na Univerzitetu u Sarajevu 30. januara 2017. godine.
3. Senat predlaže odgodu donošenja Zakona o visokom obrazovanju u formi u kojoj je predložen.
4. Tekst Nacrta Zakona o visokom obrazovanju Kantona Sarajevo, uz prijedlog usvojenih amandmana, bit će dostupan na web stranici Univerziteta u Sarajevu u ponedjeljak 6. februara 2017. godine.
5. Senat Univerziteta u Sarajevu će u predviđenom roku Vladi Kantona Sarajevo dostaviti usvojene amandmane.

Također je jednoglasno donesen sljedeći

ZAKLJUČAK

1. Formira se Radna grupa Univerziteta u Sarajevu u sljedećem sastavu:
 - prof. dr. Hajrija Sijerčić-Čolić, predstavnica Pravnog fakulteta Univerziteta u Sarajevu,
 - prof. dr. Nihad Fejzić, predstavnik Veterinarskog fakulteta Univerziteta u Sarajevu,
 - prof. dr. Sead Turčalo, predstavnik Fakulteta političkih nauka Univerziteta u Sarajevu,
 - prof. dr. Vedad Silajdžić, predstavnik Ekonomskog fakulteta Univerziteta u Sarajevu,
 - dr. sc. Suvad Konaković, generalni sekretar Univerziteta u Sarajevu, i
 - gospodin Haris Zahiragić, predsjednik Studentskog parlamenta Univerziteta u Sarajevu.
2. Zadatak Radne grupe iz tačke 1. ovog zaključka je, da na osnovu amandmana na Nacrt teksta Zakona o visokom obrazovanju Kantona Sarajevo usvojenih na 2. vanrednoj sjednici Senata Univerziteta u Sarajevu od 02. 02. 2017. godine, u zajedničkom radu sa Vladom Kantona Sarajevo iznađe adekvatna rješenja s ciljem utvrđivanja kvalitetnijeg prijedloga Zakona o visokom obrazovanju Kantona Sarajevo.
3. Zadužuje se dr. sc. Suvad Konaković, generalni sekretar Univerziteta u Sarajevu, da u ime Radne grupe uspostavi komunikaciju sa Vladom Kantona Sarajevo u cilju realizacije tačke 2. ovog zaključka.

Tekst utvrđenih amandmana na tekst Nacrta Zakona o visokom obrazovanju Kantona Sarajevo čini sastavni dio ovog zapisnika.

Sjednica je završena u 14:45 sati.

**PREDSJEDAVAJUĆI
SENATA**

Prof. dr. Izet Rado, s. r.

Zapisničar:

Alma Voloder-Madacki, s. r.